



Framhaldsörorkutrygging

Skilmáli L-22

Framhaldsörorkutrygging er trygging fyrir þá sem áður voru með séreign. Skilyrði er að samningur um séreign hafi verið í gildi einhvern tímann á sl. 24 mánuðum. Grundvöllur tryggingarsamningsins eru skilmálar þessir, upplýsingar sem veittar eru vegna beiðni um framhaldstryggingu og önnur gögn sem tengjast samningnum bæði við upprunalega gerð hans og síðar.

Um trygginguna gilda auk þess tryggingaskirteinið ásamt áritun og sérskilmálum, almennir skilmálar félagsins nr. AS-1 og ákvæði laga um tryggingarsamninga nr. 30/2004. Ákvæði í almennum skilmálum ganga framár ákvæðum þessara skilmála ef ekki er fullt samræmi þar á milli.

Skilgreiningar

Aðalgjaldldagi: Aðalgjaldldagi tryggingarinnar er einu sinni á ári og er fyrsti dagur þess mánaðar sem tryggingin tók upphaflega gildi í, nema um annað sé samið.

Félagið: Sá sem með samningi skuldbindur sig til að veita tryggingu, hér Vörður líftryggingar hf.

Framhaldstrygging: Trygging fyrir þá einstaklinga sem voru áður með séreign, samkvæmt skilgreiningu hér að neðan, en hafa fallið úr þeim hópi og eiga samkvæmt lögum rétt á framhaldstryggingu.

Séreign: Séreign er samningur um viðbótarlífeyrissparnað með örorkutryggingu vegna slysa og sjúkdóma ætluð sjóðfélögum séreignarlífeyrissjóðs, framhaldstrygging þessi byggir á þeim grunni.

Slys: Skyndilegur, utanaðkomandi atburður sem veldur meiðslum á líkama tryggðs og gerist án vilja hans.

Sjúkdómur: Heilsubreitur sem ekki flokkast undir slys hér á undan. Sjúkdómurinn hefur í för með sér að líkamleg eða andleg færni hins tryggða skerðist sannanlega vegna hans. Upphaf sjúkdóms miðast við greiningardag.

Tryggingartaki: Sá sem gerir einstaklingsbundinn samning við félagið.

Tryggður: Sá einstaklingur sem tryggingin tekur til.

Tryggingaratburður: Atvik sem samkvæmt tryggingarsamningi veldur því að til greiðslu bóta getur komið.

Tryggingarskirteini: Staðfesting félagsins á því að tryggingarsamningur hafi verið gerður.

Upphaf ábyrgðar félagsins: Upphaf ábyrgðar er tilgreint á tryggingarskirteini en kemur að auki fram í staðfestingarpósti sem sendur er tryggingartaka.

Varanleg læknisfræðileg örorka: Er ef sjúkdómur eða slys hefur haft í för með sér varanlega skerðingu á líkamlegri getu hins tryggða af völdum tryggingaratburðarins.

Örorkunefnd: Í Örorkunefnd sitja þrír aðilar sem skipaðir eru á grundvelli 10. gr. skaðabótalaga. Örorkunefnd semur töflu um miskastig.

1. Kafli. Bótasvið og varúðarreglur

1. gr. Hvað bætir tryggingin?

Tryggingin bætir varanlega læknisfræðilega örorku af völdum sjúkdóms eða slyss eins og hún er metin af matsmönnum á grundvelli 3. og 4. gr. skilmálans. Varanleg læknisfræðileg örorka skal metin þegar stöðugleika er náð og ekki að vænta frekari bata tryggðs vegna sjúkdómsins eða slyssins.

Ef metin varanleg læknisfræðileg örorka er lægri en 25% eru ekki greiddar út örorkubætur.

2. gr. Örorkubætur vegna varanlegrar læknisfræðilegrar örorku

- Vegna 100% örorku, skv. mati á grundvelli ofangreindra ákvæða 3. og 4. gr., greiðist tryggingarfjárhæðin að fullu en við minni örorku er greitt hlutfallslega. Örorka getur aldrei talist meiri en 100%. Miða skal við þá tryggingarfjárhæð sem í gildi er á tjónsdegi, einnig ef tryggingin var fallin úr gildi.
- Rétturinn til bóta vegna varanlegrar læknisfræðilegrar örorku skapast þegar sjúkdómur eða slys hefur valdið varanlegri skerðingu á líkama hins tryggða, og ástand hans er orðið stöðugt. Þegar um varanlega læknisfræðilega örorku er að ræða skapast réttur til greiðslu bóta vegna örorku í fyrsta lagi 12 mánuðum eftir að sjúkdómurinn greinist eða slysið varð og fyrir liggur örorkumat sem staðfestir varanlegar afleiðingar.
- Ef líkur eru til að ástand tryggðs megi bæta með skurðaðgerðum eða öðrum slíkum aðgerðum og hann veigrar sér við, án gilda ástæðna að gangast undir slíkar aðgerðir, ber að taka tillit til hugsanlegs bata, sem slíkar aðgerðir kynnu að hafa í för með sér.

- d. Fresta má örorkumati svo lengi sem þörf krefur samkvæmt læknisfræðilegri reynslu eða vegna fyrirbyggjandi möguleika á endurhæfingu, þó ekki lengur en í 3 ár frá tjónsatburði.

3. gr. Varanleg læknisfræðileg örorka vegna slyss

Örorku skal meta í hundraðshlutum samkvæmt töflum örorkunefndar um miskastig sem í gildi eru þegar örorkumat fer fram. Við ákvörðun örorkunnar ber ekki að taka tillit til starfs, sérstakra hæfileika eða þjóðfélagsstöðu.

Sé áverka eða ástands ekki getið í töflum örorkunefndar um miskastig skal meta það sérstaklega með hliðsjón af töflunum.

4. gr. Varanleg læknisfræðileg örorka vegna sjúkdóms

Örorku skal meta í hundraðshlutum og skal beitt læknisfræðilegu mati. Við ákvörðun á varanlegri læknisfræðilegri örorku vegna sjúkdóms ber ekki að taka tillit til starfs, sérstakra hæfileika né þjóðfélagsstöðu. Við matið skal að öðru leyti hafa til hliðsjónar miskatöflur örorkunefndar eða eftir atvikum aðrar sambærilegar viðurkenndar töflur um miskastig.

5. gr. Hvað bætir tryggingin ekki?

Tryggingin bætir ekki:

- sjúkdóm eða mein sem greindist fyrir gildistöku upphaflegu tryggingarinnar, þ.e. upphaflegum samningi um örorkutryggingu,
- slys tryggðs sem átti sér stað fyrir gildistöku upphaflegu tryggingarinnar, þ.e. upphaflegum samningi um örorkutryggingu,
- afleiðingar sjúkdóms eða meins sem hefur komið fram (þ.e. einkenni eða greining) fyrir gildistöku tryggingarinnar og tryggður veit eða mátti vita um við undirritun tryggingasamnings eða eftir að tryggingin féll úr gildi,
- afleiðingar slyss sem rekja má til atburðar sem tryggður veit eða mátti vita um og átti sér stað fyrir undirritun tryggingasamnings eða eftir að tryggingin féll úr gildi.

Fyrir utan þær takmarkanir sem tilgreindar eru hér að framan bætir tryggingin ekki afleiðingar af völdum:

- Slysa sem tryggður verður fyrir í handalögmáli, við þátttöku í refsiverðum verknaði, undir áhrifum hvers kyns vímuefna, nema sannað sé að ekkert samband hafi verið milli ástands þessa og slyssins,
- slysa sem verða við fjallaklifur, klettaklifur, bjargsig, hnefaleika, glímu- og bardagaíþróttir, akstursíþróttir, fallhlífastökk og froskköfun,
- slysa sem verða vegna meðvitaðrar háttsemi, ásetnings eða stórkostlegs gáleysis tryggðs,
- sjúkdóma eða slysa sem orsakast af neyslu áfengis, eitur-, deyfi- og nautnalyfja.

2. Kafli. Almenn ákvæði

6. gr. Hver er tryggður?

- Tryggður er sá aðili sem tilgreindur er á skirteini.
- Tryggingin gildir frá þeim tíma sem tilgreindur er í tryggingarskirteini, og til þess tíma sem tiltekinn er í tryggingarskirteini, þó að hámarki til 60 ára aldurs tryggðs (sjá einnig 11 gr.).
- Tryggingin er ekki í boði fyrir einstaklinga yngri en 20 ára.

7. gr. Hvar gildir tryggingin?

Tryggingin gildir hvar sem er í heiminum.

8. gr. Greiðsla iðgjalds

Iðgjald tryggingar er fast út samningstímann og miðast iðgjald við upphaflegt iðgjald séreignar, þ.e. meðan séreignin var í gildi, og þróast svo í samræmi við gjaldskrá örorkutryggingar, en hún tekur m.a. mið af aldri tryggðs.

Tryggingartaki ber sjálfur ábyrgð á greiðslu iðgjalds og ber að greiða á gjalddaga kröfu.

9. gr. Tryggingarfjárhæð og bótagreiðsla

- Tryggingarfjárhæð kemur fram á skirteini og í bréfi um endurnýjun sem tryggður fær árlega afhent á mínum síðum og er þar aðgengileg. Tryggingin er eingreiðslutrygging og við greiðslu bóta vegna örorku fellur hún úr gildi.
- Tryggingarfjárhæðin lækkar á aðalgjalddaga ár hvert og miðast lækkunin við að iðgjald haldist óbreytt.
- Bætur vegna tryggingar þessarar greiðast inn á reikning tryggðs ef bótaskylda er til staðar.

- d. Krafa um bætur fellur í gjalddaga 14 dögum eftir að fullnægjandi sannanir hafa borist fyrir bótaskyldu félagsins og unnt er að ákveða fjárhæð bótanna. Félagið áskilur sér rétt til þess að afla nauðsynlegra og fullnægjandi gagna áður en bætur eru ákveðnar og greiddar.

10. gr. Lok tryggingar

Tryggingin fellur úr gildi við greiðslu bóta. Tryggingin fellur sömuleiðis úr gildi ef:

- a. Tryggður er orðinn 60 ára sbr. 6. gr.
- b. Tryggður segir upp samningi um örorkutryggingu
- c. Vanskil eru á iðgjaldagreiðslum
- d. Eða önnur atriði eru til staðar sem tilgreind eru í skilmála þessum eða í almennum skilmála AS-1 og réttlæta uppsögn.

Skilmálar þessir gilda frá 01.06.2025